

ultra medium nigro-piceo; membrana fumata, venis flavo-testaceis, striola angusta inter areolam minorem et apicem cunei hyalina; rostro pedibusque pallide virentibus, illo apicem coxarum posticarum attingente, femoribus posticis saepe ante apicem infuscatis, tibiis anticis submuticis, posterioribus spinulis concoloribus instructis, posticis basi anguste piceis, tarsis articulo ultimo nigro-piceo; antennis testaceis, articulo secundo (♀) margini basali pronoti aequae longo, tertia apicali parte nigro, ultimis simul sumtis secundo paullo longioribus, nigris, tertio basi anguste albido. ♀. Long.  $2\frac{4}{5}$ , lat.  $1-1\frac{1}{4}$  mm.

Mandeville.

Species parva, structura capituli, colore signaturisque, praecipue signatura cunei distinctissima.

## 10. *Poeciloscytus cuneatus* Dist.

Var. *rufocuneatus*:

Ut typus, sed hemielytris sordide flavo-testaceis, clavo interne, corio plaga infra medium posita nigricantibus, cuneo disco purpureo, marginibus flavo-testaceis; femoribus pallide flavo-testaceis, posticis dimidio apicali castaneis.

Mandeville.

## 11. *Poeciloscytus flavocuneatus* n. sp.

Superne colore varians, nitidus, livido-ochraceus vel testaceus, tomento aureo vestitus, magis minusve nigro-signatus, scutello toto vel ad maximam partem cuneoque toto pallidis; hemielytris margine exteriori concolore, pallido, membrana fumata, venis flavo-testaceis; mesosterno medio fusco; rostro, antennis pedibusque flavo-testaceis, articulo secundo antennarum apicem versus ultimisque nigro-fuscis, tertio basi anguste testaceo, secundo utriusque sexus sat gracili, margini basali pronoti aequae longo; tarsis articulo ultimo toto nigro; capite maris ab antico viso distincte transverso, oculis magnis, vertice oculo aequae lato; pronoto laevigato; scutello omnium levissime aciculato. ♂. Long.  $2\frac{3}{4}$ , lat.  $1\frac{4}{5}$  mm.

Var. *a*: Inferne pallide flavo-testacea, mesosterno medio fusco; superne pallide flavo-testacea, oculis, clypeo, medio